

Story Power

Isikhokelo sokuqhuba
inkqubo elungiselelwe iiholide
yokufundela ukuzonwabisa



Siyanamkela!



Okungaphakathi kwesi sikhokelo

Yintoni inkqubo elungiselelw... yokufundela ukuzonwabisa	3
Ukucwangcisa nokuqhuba inkqubo elungiselelw... iholide	4
limbono ezi-15 zenqubo elungiselelw... iholide.....	6

Ukuze ufumane iinkcukacha ezithe vetshe malunga nokuphinda uwusebenzise kwaye/ okanye uwusasaze lo msebenzi, qhagamshelana nabakwaNal'ibali:
The Nal'ibali Trust
Suite 17–201, Building 17
Waverley Business Park, Wyecroft Road
Mowbray, 7700
Umnxeba: (021) 448 6000
I-imeyile: info@nalibali.org

Ingaba ufunu ukubonisa abantwana ukuba ukufunda yinto abanokukwazi ukuyenza naphi na nanini na? Ingaba ufunu ukuqinisekisa ukuba abakuboni ukufunda njengento eyenzeka nje eziklasini zabo kuphela? Ukuqhuba inkqubo yeholide ejoliswe ekufundeleni ukuzonwabisa yeyona ndlela igqwesileyo yokwenza oku!

Ngexesha leeholide zesikolo abantwana bayakwazi ukuphumla kubekho neenguqu esiqhelweni sezinto abadla ngokuzenza. Ngoko ke, iiholide zesikolo lixesha elililo lokuba abantwana balotyelwe ekufundeni, okanye bagcinwe beghelene nokufundela ukuzonwabisa!

Xa ufunu ukwazi malunga nendlela yokuqhuba inkqubo yokufundela ukuzonwabisa elungiselelw... iholide, esi sikhokelo seStory Power silungiselelw... wena kanye! Kuso uza kufumana iingcebiso malunga nokucwangcisa nokuqhuba inkqubo leyo, kwanezinye iimbono malunga nemisebenzi eyonwabisayo ongayibandakanya.

Sijoyine ekugcineni abantwana benomda wokufunda unyaka wonke.

Liqela lakwaNal'ibali

QAPHELA: Esi sikhokelo siyafumaneka ngazo zolishumi elinanye iilwimi ezisemthethweni eMzantsi Afrika. Lindela ezinye izikhokelo ezikuthotho lweStory Power! Zikhangele ezi zikhokelo ku-www.nalibali.org.

- Ukubundukunywa kwengqikelelo kune nolawulo
- Iwale projekthi: Project for the Study of Alternative Education in South Africa (i-PRAESA)
- Oguulele esiXhoseni: Mlamli Matshingana
- Ukuhlela nokulungisa iimposiso: Pumeza Ngobozana
- Ukuzotywa kwemifanekiso yabalinganiswa bakwaNal'ibali: Rico
- Odizayinileyo: Magenta Media
- Ukuveliswa nokudidiyelwa kobuncwadi: Baseline Publishing Services
- Inkxaso-mali yokuxuma eli phulo inikezelwe yiUnited States Agency for International Development

Yintoni inkqubo elungiselelwe iholide yokufundela ukuzonwabisa?



Ukufundela ukuzonwabisa akufanelanga ukuba kuphele xa iiklabhu zokufunda zisathathe ikhefu! linkqubo ezilungiselelwe iholide zinokunika abantwana amathuba okuqhube ka bonwabele kwaye bephicotha amabali ngexesha leeholide zesikolo.

Kwiinkqubo ezilungiselelwe iholide zokufundela ukuzonwabisa kusoloko kugxininiswa ekufundeleni ukuzonwabisa! Imisebenzi eyinxalenyenye yezi nkqubo ijoliswe kwinjongo enye kuphela: ukuvuselela nokumilisela uthando lokufunda namabali ebantwaneni.

Zinanzi izinto ezixhanyulwayo kwiinkqubo ezilungiselelwe iholide ezigxininiswa ekufundeleni ukuzonwabisa. Nazi ezinye zazo.

- ★ linkqubo ezilungiselelwe iholide zinceda abantwana ukuba bakubone ukufunda njengento oyenzayo xa uzhialele nje, uphumle. Ukubona ukufunda njengento eyenziwayo nangexesha lokuzonwabisa lelona nyathelo libalulekileyo ekuncedeni abantwana ukuba bakuthande ukufunda naxa bebadala.
- ★ liholide asingomaxesha adla ngokuxakeka kakhulu. Oku kuthetha ukuba lininzi ixesha elikhoyo lemisebenzi yokufundela ukuzonwabisa kunaxa izikolo zisavuliwe. Ngoko ke, iinkqubo ezilungiselelwe iholide zingaqhutywa ngokungangxamisekanga nangokupholileyo kwaye zinokuthatha ixesha elidana yonke imihla kuneseshoni zeklabhu yokufunda ezenziwa ngexesha lesikolo.

★ Abantwana abangekabingawo amalungu eklabhu yokufunda banokubandakanya kwiinkqubo ezilungiselelwe iholide. Oku kubazisa okanye kubabonisa indlela anelisa ngayo amabali neencwdi kwakunye nokufunda. Oku kubakhuthaza ukuba bathande ukufunda kwaye bangade bakhuthazeke ukuba bajoyine iklabhu yokufunda!

★ linkqubo ezilungiselelwe iholide zigcina abantwana bexakekile kwaye bonwabile, bekwindawo ekhuselekileyo neyolisyayo. Ezi nkqubo zibaluleke kakhulu ngakumbi xa abazali bephangela, nakwiindawo aphoon kungekho nto ininzi yakwenza ebantwaneni ngexesha leeholide zesikolo.

Abantwana bazibandakanya neenkqubo ezilungiselelwe iholide zokufundela ukuzonwabisa hayi kuba benyanzelisiwe okanye bethenjiswe ngezinto ezithile. Bazibandakanya nezi nkqubo kuba bekonwabela oko kwaye iyinto ebanlisayo leyo.

Unokufumana iinkcukacha ezithe vetshe malunga nale mithombo yolwazi kwisikhokelo seStory Power 1, nesifumaneka ku-www.nalibali.org.



Ukucwangcisa nokuqhuba inkqubo elungiselelwe iholide

Lilonke ngoku ugqibe ukuba uza kuqhuba inkqubo elungiselelwe iholide yokufundela ukuzonwabis! Akukho ndlela inye ichanekileyo yokwenza oku. Sebenzisa oko kutsala umdlala kuwe malunga namabali kunye neencwadi ukuze uncedakale ekuyileni inkqubo eyonwabisayo nevuseelayo ebantwaneni.

Kodwa nokuba ukhetha yiphi na imisebenzi, kubalulekile ukuba uyicwangcise kakuhle. Nazi ezinye iimbono ezinokukukhokela.

★ **Ngubani?** linkqubo ezilungiselelwe iholide zinokuququzelelwa ngabazali, oosothala, ootitshala, iinkokheli zeeklabhu zokufunda okanye abafundi bamaziko emfundu aphezulu. Akunyanzelekanga ukuba uzimele ngenqayi elangeni kule nto! Fumana amavolontiya akuncedise. Cela abantu abadala abathanda amabali nokufunda ukuba bazibandakanye kwinkqubo le xa iyonke okanye benze loo msebenzi bazincutshe kuwo, njengokubalisa amabali okanye ezobugcisa njengokuxonxa nokuzoba.

★ **Bangaphi?** Sebenzisa inani lamavolontiya akhoyo nokwazileyo ukuwfumana ukukunceda ukuba uthathe isigqibo ngenani labantwana abaza kuba yinxalenye yenqubo yakho yeholide. Abantwana abalishumi kumntu ngamnye omdala basebenzisa kakuhle kakhulu. Nangona kunjalo uza kubona wena ukuba mawenze njani kuba eso ayisosigxina. Ukhumbule ukuba abanye abantwana bangangezi yonke imihla, nto leyo eyakwenza ukuba ngezinye iimini kubekho abantwana abaninzi kunoba ubucwangcisle.

★ **Phi?** Inkqubo elungiselelwe iholide unokuyiqhubela kuyo nayiphi na indawo ekhuslekileyo nenku lu ngokwaneleyo – esikolweni, kwithala leenewadi, kwihiolo yolu, ecauweni, kwimoski okanye etempilene. Zama ukukhetha indawo engazukunyanelisa ukuba wena nabantwana nisoloko nibambe uwangco, nthule kakuhlu – kunzima ukuthi cwaka xa nonwatyiswe ngamabali!

★ **Intoni?** Kuza kufuneka ubenamabali oza kuwalisa noza kuwafundela kuqala, kwakunye nezinye izinto nije oza kuzifundela abantwana. Zama ukufuna izinto zokufunda ezininzi kangangoko unako, njengeencwadana zemifanekiso, iinoveli, iincwadi ezinolwazi, imibongo, izicengcelezo neemagazini. Oku kuza kuqinisekisa ukuba wonke umntu uyayifumana into ayithandayo yokufunda. Mhlawumbi uza kudinga neminye imithombo yowlazi eyongezelelweyo kweminye imisebenzi oyicwangcisileyo, umzekelo, amaphepha; amakhadibodi; imathiriyeli enokusetyenziswa

kwakhona efana neebhokisi zesiriyeli, iikhathoni zamaqanda neziciko zeebhotile; iikhrayoni ezityibekayo; iikhrayoni zepensile; iikhokhi; izikere, iglu; ipeyinti neebrashi; intlama yokudlala nodongwe. Izinto ezifana neziqwempu zamalaphu, izikhafu, iminqwazi neemaskhi zixihobo eziluncedo xa kulinganiswa amabali.

lingcebiso ezingokucwangcisa

1. Yenza inkqubo yemisebenzi eza kulandelwa yosuku ngalunye. (Kukho umzekelo wenqubo enjengale okwiphepha elilandelayo.) Khetha iindidi ezahlukileyo zemisebenzi ukwenzela ukuba inkqubo isoloko inika umdlala. Uninzi lwale misebenzi lungangqamana namabali owakhethileyo, kodwa unokubandakanya neminye nije imisebenzi yokufundwayo neyokubhalwayo. Khumbula ukuba uninzi lwabantwana baza kuza rhoqo, ngoko ke qinisekisa ukuba unamabali ohlukaneyo, iingoma ezohlukaneyo nemidlalwana eyohlukaneyo. Ziqhelise amabali nemisebenzi oyikhethileyo ukwenzela ukuba wazi kakuhle ukuba ziza kuthatha ixesha elingakanani na.
2. Bhengeza inkqubo yakho elungiselelwe iholide kwiintlanganiso zabazali esikolweni, kumaphendaba nakwiibhodi zezaziso ezikumathala eencwadi, kwiikliniki nasezikolweni.
3. Ququzelela usuku lokusayina ukwenzela ukuba wazi inani labantwana abaza kuthatha inxaxheba kwinkqubo leyo. Oku kuza kukunceda ukuba wazi imithombo yowlazi ekufuneka uyisebenzise nomawubenayo. Mema abazali nabanye abalondolozi babantwana ukuba beze kubhalisa abantwana babo malunga nesithuba seeveki ezimbini phambi kokuba uqale. (Ukhona umzekelo wefomu yokubhalisa kwiwebhusayithi ethi, www.nalibali.org, okanye unokuziyilela ifomu nije yakho eyahlukileyo.)
4. Cwangcisa kakuhle indlela oza kwenza ngayo ukuba indawo eniza kuhlanganelu kuyo ibukeke. Cinga ngendlela oza kucwangcisa ngayo iindawo eziza kuthi cwaka ukwenzela ukuba abantwana bakwazi ukubuka okanye bafunde iincwadi ngokwabo, kwakunye nezinye nije iindawo ezifanele imisebenzi oyicebayo.

Umzekelo wenkqubo elungiselelwe iholide



	NgoMvulo	NgoLwesibini	NgoLwesithathu	NgoLwesine	NgoLwesihlanu
• 09:00–09:15	Ingoma yo-1	Umdlalwana wo-1	Isicengcelezo	Ingoma ye-2	Umdlalwana we-2
• 09:15–09:30	Umsebenzi wokutshayeleta (Ukuazisa: iphepha le-6)	Umsebenzi wokutshayeleta (Ukuzikhethela: iphepha le-6)	Balisa ibali	Ukufunda ngokuvakalayo ibali le-3: ukufundela ngokuvakalayo iqela lonke	Ukufunda ngokuvakalayo ibali le-4: ukufundela ngokuvakalayo iqela lonke
• 09:30–10:00	Ukufunda ngokuvakalayo ibali lo-1: ukufundela ngokuvakalayo iqela lonke	Ukufunda ngokuvakalayo ibali le-2: ukufundela ngokuvakalayo iqela lonke	Ukuthetha ngebali: ingxoxo ngebali lanamhlanje	Ukuthetha ngebali: ingxoxo ngebali lanamhlanje	Ukuthetha ngebali: ingxoxo ngebali lanamhlanje
• 10:00–10:45	Ingxoxo yamaqela amancinci: Isihloko: Amabali esiwaziyo; amabali esiwathandayo	Ezobugcisa ezinxulumene nebali lanamhlanje	Ezobugcisa nokubumba ezinxulumene nebali lanamhlanje	Ezobugcisa nokubumba ezinxulumene nebali lanamhlanje	Umsebenzi wedrama onxulumene nebali lanamhlanje (Ukulinganisa ibali ngokwamaqela)
• 10:45–11:00	Ixesha lesinekhi nelokuya ngasese				
• 11:00–11:45	Umsebenzi obhalwayo (Ukuyila udonga lwebali: iphepha le-7)	Umsebenzi obhalwayo onxulumene nebali lanamhlanje (Ukubhalela omnye wabalinganiswa)	Umsebenzi wedrama onxulumene nebali lanamhlanje	Umsebenzi obhalwayo (Ukwenza iincwadi: iphepha le-6 / Ukuyila ivili lebali: iphepha le-7)	Ukwenza amabali (Ukongeza amanye amagama: iphepha le-6)
• 11:45–12:05	Ukuzifundela iincwadi wedwa kunye/okanye ngababini	Ukuzifundela iincwadi wedwa kunye/okanye ngababini	Ukuzifundela iincwadi wedwa kunye/okanye ngababini	Ukuzifundela iincwadi wedwa kunye/okanye ngababini	Ukuzifundela iincwadi wedwa kunye/okanye ngababini
• 12:05–12:15	Phinda ingoma yo-1 uze uvalelise	Phinda ingoma yo-1 uze uvalelise	Phinda ingoma yo-1 okanye isicengcelezo uze uvalelise	Phinda ingoma yo-1 neye-2 okanye isicengcelezo uze uvalelise	Phinda ingoma yo-1 neye-2 okanye isicengcelezo uze uvalelise

limbono ezi-15 zenqubo elungiselelwe iholide



- 1. Ukuzazisa.** Lungiselela oku ngokusika ukhuphe nayiphi na imifanekiso emikhulu ephuma kwiimagazini okanye kumaphephandaba uze uyincamatelise emaphepheni amakhulu. Emva koko bhala imibuzo emithathu ngasemva komfanekiso ngamnye, noza kusetyenziswa ngabantwana ukuzazisa kwabanye, umzekelo, "Ungubani igama lakho? Wenza ntoni ukuzonwabiso? Leliphi ibali olithanda kakhulu?" Emva koko sika umfanekiso ngamnye ube zizicwilana ezine, uze ubeke izicwiliana zonke zemifanekiso kunye epakethini. Qalisa umsebenzi ngokuyalela umntwana ngamnye ukuba athathe isicwili esinye somfanekiso epakethini. Bayalele ukuba bakhangele abanye abantwana abathathu abanezicwilana zokugqibezela umfanekiso wabo bandule ukuphendula imibuzo bekunye.
- 2. Ukuzikhethela.** Zoba okanye ufune imifanekiso yezinto ezimbini, umzekelo, intyatyambo netshokholethi. Yixhome ivele imifanekiso ukwenzela ukuba bonke abantwana bakwazi ukuyibona. Yahlulahlula abantwana babengamaqela uze ubayalele ukuba baxoxe ngento ibenyé abanokuyikhetha ukuba kunokubayimfuneko ukuba bakhethe kwezo zimbini, baze banike nesizathu sokuba bakhetha oko bakukhethileyo. Yalela umntwana omnye kwiqela ngalinye ukuba abalisele wonke umntu ngobekuxoxwa ngako kwiqela lakhe.
- 3. Ukucula nokudlala.** Iingoma, izicengcelezо nemidlalo ziindlela ezonwabisayo zokuqala ibali nokufinyeza usuku. Fundisa abantwana iingoma, izicengcelezо nemidlalwana enaniydlala, nithetha ngayo nenaniyicule nisebancinci, kunye neminye abayaziyo. Culani iingoma ngeelwimi zasekhaya zabafundi bonke nangezinye iilwimi ezingaba ziyaziwa.
- 4. Ukufunda nokubalisa amabali.** Funda ngokuvakalayo ze/okanye ubalise amabali rhoqo uze emva koko uzinike ixesha lokuncokola ngaloo mabali nabantwana. Phinda unike abantwana ithuba lokufunda kwakhona okanye bazifundele bebobwa okanye bengababini.
- 5. Ukwenza iincwadi.** Yenzani iincwadi ngokudibanisa amaphepha angabhalwanga ngesiteyipla uze uyalele abantwana ukuba bakusebenzise oku ukuyila iincwadana zabo zamabali. Abantwana abadala bona banokuzoba, ze bazibhalele ngokwabo kuzo. Abancinci bona abantwana banokuzoba imifanekiso yabo engebali uze ke wena emva koko ubhale amazwi ebali elo abakuxelela wona. Bayalele ke bafundelane iincwadi zabo ngokwabo!
- 6. Ukwenza iincwadi zealfabhethi.** Kwenze oku nabantwana abancinci okanye umeme abantwana abadadlana bazokwenzela oku umntwana omncinci abamaziyo. Bhala unobumba ngamnye wealfabhethi kwphepha elizimeleyo ze uwadibani ngesiteyipla ukwenza incwadi. Emva koko yalela abantwana bazobe okanye bakhangele imifanekiso yezinto eziqhelekileyo ezingonobumba ngamnye, umzekelo, umfanekiso weApile u "A" weApile.
- 7. Ukfakela amagama athile.** Bonisa abantwana incwadana yemifanekiso engenamagama uze ubayalele ukuba basebenzise imifanekiso ukwenza amabali ohulkileyo amaninzi kangangoko banako!



- 8. Ukuyila udonga lwamabali.** Sebenzisa udonga ukuxhma imisebenzi yabantwana kuloo ndawo nifundela kuyo. Nika abantwana amaphepha, iikhrayoni neepensile uze ubayalele ukuba babhale kwaye bazobe malunga namabali abawonwabeleyo. Xhoma umsebenzi wabo obhaliwego nemizobo eludongeni.
- 9. Ukuyila imenu.** Yalela abantwana bazibone bememe oyena mlinganiswa bamthandayo osezincwadini zabo zamabali, bemmema kwisidlo sasemini okanye ukuza kuphunga iti kunye nabo. Bayalele ukuba babhale imenu yoko kuza kutyiwa ngulo mlinganiswa wabo kuquka nokuselwayo.
- 10. Ukuyila ivili lebali.** Yahluhlula abantwana babengamaqela uze unike iqela ngalinye iphepha elinesangqa esikhulu esahlulahlulwe sangamacala amathandathu alinganayo – oku kweorenji. Yalela umntwana ngamnye kwiqela ngalinye ukuba aqalise ngokubhala ibali aze/ okanye azobe isiqalo sebali kwicala ngalinye elikwisangqa. Mabatshintshisane abantwana ukubumba nokufakela ebalini ngokubhala kwamanye amacala esangqa lide ibali ligqitywe. Emva koko ke mabalinike ibali labo isihloko baze bonwabele ukulifunda kunye!
- 11. Ukurekhoda iinkumbulo.** Yalela abantwana ukuba bazobe imifanekiso, okanye basebenzise iifoto, okanye basike ze bakhuphe amagama kumaphephanda ba nakwiimagazini, baze bafakele awabo amagama abazicingele ona ukuyila iipowsta ezithiywa igama elithi: linkumbulo zam.
- 12. Ukuqikelela into elandelayo eza kwenzeka ebalini.** Bayalele abantwana ukuba basebenze bengamaqela, balinganise umboniso osebalini owaziwa ngumntu wonke bengathethi, ukuze ke amanye amaqela aqasheli isihloko sebali elilinganiswayo.



- 13. Ukubhala nokulinganisa.** Khetha elinye lamabali avela kwinkqubo elandelwayo nelungiselelwe iholide. Ukunye nabantwana, bhalani phantsi okuthethwa ngumlinganiswa ngamnye, uze ke uyalele abantwana ukuba bakhetha umlinganiswa abafuna ukumlinganisa. Banike izixhobo zokulinganisa, ezifana nezinqwempu zamalaphu, iminqwazi, izihlangu okanye iimpahla uze ubayalele ukuba balinganise ibali.
- 14. Ukusingatha iindwendwe.** Mema ababhalu, abazobi, ababalisi-mabali nabatlali beqonga ukuba baze kuthetha nabantwana, babelane nabo ngamabali.
- 15. Ukukhupa abantwana.** Khupha abantwana, baye kubukela umdlalo weqonda okanye bandwendwele ithala leencwadi lasekuhlaleni, okanye bandwendwele indawo enento yokwenza nebali obubabalisele lona okanye ebebefunda bekunye.

Ukuze ufumane eminye imisebenzi yokufundela ukuzonwabisu efumaneka kwezinye izikhokelo zethu zeStory Power, ndwendwela ku-www.nalibali.org.

Nxibelelana noNal'ibali

Yiba yinxalenye yesixokelelwano sikaNal'ibali uze usebenzise amandla amabali ukuvuselela abantwana ukuba bafune ukufunda nokubhala.

Ndwendwela amaqonga ethu ahlukileyo aqulethe imithombo kanye neengcebiso zokufundela ukuzonwabisa, ze ufumane namabali abantwana afumaneka ngeelwimi ezili-11.

lindlelo zikaNal'ibali

Fumana uhlelo lwakho lokufundela-ukuzonwabisa olubhalwe ngeelwimi ezimbini kwiphephandaba leSowetan, iSunday Times Express, iDaily Dispatch kanye neThe Herald. Ukuze ufumane iinkcukacha ezithe vetshe, ndwendwela ku-www.nalibali.org.



UNal'ibali kunomathotholo

Phulaphula iinkqubo zikaNal'ibali kunomathotholo kwizikhululo zosasazo zikawonkewonke kwijelo losasazo leSABC, uze wonwabele amabali abantwana ngazo zoli-11 iilwimi ezssemthethweni eMzantsi Afrika! Ndwendwela ku-www.nalibali.org ukuze ufumane **isicwangiso seentsuku namaxesha akunomathotholo** ngawo uNal'ibali.

www.nalibali.org

Ndwendwela **iwebhusayithi** kaNal'ibali ukuze ufumane simahla amaxwebhu eengcebiso, iiblog zelitheresi, iingcebiso ngokufunda kanye namabali abantwana.



www.nalibali.mobi

Fumana iingcebiso ngokubalisa amabali kanye nokufunda, inkaso yeklabhu zokufunda kwakanye namabali angeelwimi ezili-11 zaseMzantsi Afrika – **kwiselula** yakho!



Imidiya Yokuncokola

Joyina incoko ekuFacebook uze usilandele kuTwitter nakuInstagram ukuze ufumane iingcebiso nezihlaziyiweyo ezikhuthazayo ngokufundela ukuzonwabisa, izaziso kanye nokhuphiswano. Unokundwendwela ijelo lethu losasazo likaYouTube ku-www.youtube.com/user/TheNalibaliChannel ukuze ufumane iingcebiso eziluncedo zeklabhu yokufunda.

Nxibelelana nathi ngokufonela iziko lethu leminxeba ku-**02 11 80 40 80**, okanye nangayiphi na enye kwezi ndlela zilandelayo: www.nalibali.org www.nalibali.mobi

[nalibaliSA](#) [@nalibaliSA](#) [@nalibaliSA](#) info@nalibali.org



basic education
Department:
Basic Education
REPUBLIC OF SOUTH AFRICA

Read to Lead
A Reading Nation is a Leading Nation



USAID
LUPHUMA KULUNTU
LWAMAMELIKA

